

آبونه اولی ایستیلر دائره عدلیه ده
اداره مخصوصه سنه مراجعت
ایتملیدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

تذکره محاکمه علییه

سنه لکی در سعادت ایچون مجیدیه
بکرمی غروش حسابیه التمش
غروشدر

طشره ایچون پوسه اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

توقیحات

وان ولایتی استیناف محکمه سی جزا دائره سی
رئیس فیضیلو عثمان ذکی افندی به از میر پایه مجردی
توجیه بیورلمشدر .

تغییر و تحویل

پراویشته قضاسی بدایت محکمه سی مستنطقلکنه
قالقاندلن قضاسی بدایت محکمه سی باش کاتب سابق
احمد فواد افندی

الاصونه قضاسی بدایت محکمه سی اعضالغنه
سرفیچه سنجانی بدایت محکمه سی جزا دائره سی
باش کاتبی محمد امین افندی

ایلبصان سنجانی بدایت محکمه سی اعضالغنه
کسندیره قضاسی بدایت محکمه سی اعضاسندن سعید
افندی

کسندیره قضاسی بدایت محکمه سی اعضالغنه
اشقودره ولایتی استیناف محکمه سی اعضای سابقه سندن
صالح افندی تعیین اولنمشدر .

تبدیلیات

۶۷۰ نومرولی نسخه ده مندرج اموال ایتم
نظامنامه سنک مابعدی :

یتش طقوزنجی ماده مجلس اداره اموال ایتم
در سعادت و طشره ده تحریر ترکیه مآذون بالجله محاکم
شرعیه نک و ایتم مدیر لریله طشره ایتم مجلسلرینک
تحریر ترکات و اداره اموال ایتمه متعلق امور لریلرینک
و معاملات قیدیه و حسابیه لریله متفرعات سائر سنک
قواعد شرعیه و اصول مرعیه اوزره جریان ایدوب
ایتمدیکنی و موجب تحریر اولان ترکات اصوله توفیقاً
تحریر و بیع ایله اثمائی تحصیل و دفاتر مخصوصه سنه

بعد القید ایتم صندوقلرینه وضع اولنوب اولنمادیغنی
وقسام دفتر لریله و ثائق شرعیه سائر نک وقت و زمانیه
تنظیم و لازم کلان محالره اعطا و تسلیم قلوب قلنمادیغنی
و ترکیه مأمور لریله ایتم مدیر و مجلسلرینک احوالی
و اموال ایتمک یولیه ارباح و تنیه اولنوب اولنمادیغنی
تفتیش و تحریر ایدوب یولسز کوردیکی معاملات
اخطار و تدقیقات واقعه نتیجه سندن موجب جزا
برحالی تبیین ایدن مأمور لر حقنده یتش بشنجی ماده
موجبیه معامله اجراسنی مقام مشیخته بیان
ایده جکدر .

سکسانجی ماده مجلس اداره اموال ایتم
تحریرینه مباشرت اولنان بالجله ترکات ایله بونلردن
تسویه و تقسیم اولنان و اولنه میانلرینی و تسویه اولنه میان
ترکاتک اسباب تأخر لرینی و تسویه اولنان ترکاتدن
کبار حصه لرینک احبابنه اعطا و حصص صغارک ایتم
صندوقلرینده حفظ ایدیلوب ایدلمدیکنی کوستر
صورته اتخاذ اولنه حق نمونه سنه توفیقاً هراتی آیده
بر کره برر دفتر تنظیم و ارسالی تحریر ترکیه مأمور
محاکمدن طلب ایده جک و دفاتر مذکور نک بالتدقیق
نقصان اولان جهتلری حقنده مطالعه لرینی تنقیق
و اصوله موافق کوردیکی حالده در سعادت مرکز
ایتم مدیر یتنه حواله ایلیه جکدر .

سکسان برنجی ماده مجلس اداره اموال ایتم
طشره مدیر یتلرندن ایتم مجلسلرینک تحت تصدیقنده
اوله رق آلنه حق سال محاسبه دفتر لرینی نظر تدقیقندن
کپوره رک اصوله موافق اولمیانلری محله اعاده
ایده جک و اصوله موافق کوردکلرینی در سعادتده
مرکز ایتم مدیر یتنه حواله ایدوب اورادن فصل
مخصوصنده محرر اولدیغنی اوزره مرکز و طشره
عائد اولق اوزره سنه غایتنده ایکی قطعه خلاصه
حسابیه وهر آی میزان شهریلری طلب ایده جک
و ایتم مدیر یتلریله طشره ایتم مجلسلرینک معاملات
حسابیه و قیودی و سائر جه یولسز کوردیکی موادی
اخطار و اصلاح ایلیه جک و الحاصل اشبو نظامنامه نک
تمامی اجراسنه و ترکات و اموال ایتمک حسن صورته

تمشیت و اداره و محافظه سنه دائر لازم کلان تدابیر
و وسائلی بالتذکر تحریراً مقام مشیخته بیان ایده جک
و عموم اموال ایتمه متعلق میزان شهریلرله ذات
و زمان حساباتی تنظیم و کماکان دیوان محاسبانه ارسال
ایتدیره جکدر .

سکسان ایکنجی ماده مواد سابقه ده بیان اولنان
خصوصات ایله خصوصات سائریه دائر مجلسه حواله
اولنان اوراق و مستندیات دفتر مخصوصه بعد القید
الاقدم فالاقدم قاعده سنه توفیقاً قرائت اولنه رق
اعضادن هربری رأینی بیان ایده جک و قرار واقعت
اتفاق و یا اکثریت آرا ایله حاصل اولدیغنی تصریح
ایدیله جک و بویله اکثریتله ویریلان قرارک مسوده سی
امضا اولندقدن صوکره مخالف رأیده بولنان اعضا
رأینی بیان ایله زیرینی امضا ایده جکدر .

سکسان اوچنجی ماده مجلسک مقرراتی
مذکره صورتنده یازلدیغنی حالده مجلسک مهر
رسمیسیله و تحریر اولنه حق مضابط مهر ذاتی ایله
تختیم ایدیله جک و دوائرله واسطه مخبراتی هر حالده
مقام مشیخت اوله جفتدن اشارت علیه ایله محرر
اولیان مذکره و مضابطک مندرجاتی موقع اجرایه
قونیه میه جکدر .

سکسان دردنجی ماده مجلسده مذاکره اولنوب
تحت قراره آلنان خصوصات قرار دفترینه صره سیله
قید اولنه رق تاریخ وضعیه رئیس و اعضا طرفندن
امضا اولنه حق و تحت امضایه آلمیان قرار کآن لم یکن
حکمنده طوتیه جکدر .

سکسان بشنجی ماده مقام مشیختدن مجلسه
حواله اولنان بالجله اوراقک نهایت برهفته طرفنده ایجاباتی
تحریراً بیان ایدیله جک و مجلس مذکور شفاهاً
مراجعتی قبول ایتیه جکی کبی تبلیغ قراردخی شفاهی
اولیوب تحریری اوله حق و مقام مشیختدن حواله
اولنمیان اوراق قبول اولنیه جکدر .

سکسان التنجی ماده هر آی نهایتنده قاصه
موجودینی تعداد و یومیه دفتریه تطبیق ایتک اوزره
اعضای مجلسدن مناوبه بری تعیین ایدیله جکی کبی

لزم كورلدیكى حالده مجلس ریاستندن انتخابات اوله حق اعضادن بری معرفتیه لاعلی تعیین برکونده قاصه ودفاتر بالمعاینه نتیجه متبینه با مضبطه مقام متبخته عرض اوله جقدر .

سکسان یدنجی ماده بالعموم طشره ایتمام صندوقلری مجلس اداره اموال ایتمادن ویریه جک تعامات موجبنجه مالیه مفتشاری و مالیه مفتشاری بولنادیغی تقدیرده عدلیه مفتشاری معرفتیه تفتیش ایتدیر یلور نتیجه تفتیشات مفتشار جانبدن مقام مشیخته اشعار ایدیلور .

طقوزنجی فصل

طشره ایتمام مدیر و مجلسلرینک صورت تشکیلی ووظائفی بیانندهدر

سکسان سکرنجی ماده ایتمام اموال و املاک کی حفظ و حایه ایلر ارباح و تمیه سی خصوصلرینه دقت ونظارت ایتک اوزره ولایت ولوا قضا مرکز لرده نواب شرعک ریاستی تختنده اوله رق برر ایتمام مجلسی تشکیل قلنه جقدر مجلس مذکورده بادیه اعضاسندن منتخب ایکی اعضای دائم ودفتردار و محاسبه چی و مال مدیری و مفتی و ایتمام مدیری کی بر اعضای طبیعه دن عبارتدر ایتمام مجلسلری لاقول هفته ده برکره وایجابنه کوره ده از یاده بالاجتماع اموریاتمه صورت فخریه ده باقه جقدردر رئیس معذرتی حالده اعضادن بری توکیل ایده جقدر .

سکسان طقوزنجی ماده طشره ایتمام مدیرلری حکام شرع حاضر اولدقلری حالده محلی اداره مجلسلرنجه بالذاکره انتخاب وکفالت قوییه ربط اوله رق آلله جق کفالت سندی محاکم شرعیه ججه سجلا نه قید ایدلدکن صوکره نواب طرفندن مقام مشیخته تقدیم ایلر مجلس اداره اموال ایتماده عیناً حفظ ایدیلر جقدر .

طقساننجی ماده طشره ایتمام مدیرلرینک بهر سنه شباط غایتنده ایتمام مجلسلرنده محاسبه لری کوریه لرک برکونه اختلاساری ویا تکامل ویا سوء معامله لری تحقیق ایتدجکه ویا خود استغفاری وقوع بولدجقه عزل اولنه جقدردر .

طقسان برنجی ماده هر قضا ده تشکیل اولنان ایتمام صندوقلری اموال خزینه صندوقلری ایلر برابر امنیتلی محارده حفظ اوله جحق واوزری دخی نواب شرع وایتمام مدیرلری طرفندن مشترکاً تحقیم اوله جقدر .

طقسان ایکنجی ماده ایتمام مجلسلرنجه طوئسی

لازم کلان دفاتر و محررات و معاملات قیدی و سائر مک تسویه سی محاکم شرعیه کتبه سی وظاقتندن اولدیفندن ایتمام مجلسلرینک ایشه باقدقلری کونلری کتبه مومی الهم دخی مجلسلارده بولنه رق ایقای وظیفه ایلر جقدردر .

طقسان اوچنجی ماده طشره ایتمام مجلسلری تخریر اولنان ترکات و محذاتانک اصول و نظای اداره سنده تخریر و بیع اوله رق امانی تحویل و دفاتر مخصوصه سنه قید ایدیلوب ایتمام صندوقلرینه وضع اولنوب اولنادیغه و قسام دقتلری ایلر ادا نه و نفقه جتخلری وقت و زمانیه تنظیم اولنوب اولنادیغه نظارت ایدر جقدر کی ترکه مأمورلرینک احوائی تفتیش و تخریر ترکه نجه یولسز کوردکلری معاملاتی اخطار ایلر برابر دوچار تأخر اولانلرک ایجاباتی اجرا ایدرلر . ترکه کلبته کوره نواب شرعک مذکورلری اوزرینه اعضادن بری ترکه نه نظارت و معاملات کی تسریع ایچون تعیین واعزام ایدرلر ترکه نه متعلق خصوصانده مشکلاته تصادف اولنوب معامله ججه تردد وقوع بولور ایسه درحال نواب شرع واسطه سیله مقام مشیختدن استیذان کیفیت اولنور .

(مابعدی وار)

محاکمات مختصات

محکمه تمیز استدعا داره سندن تنظیم واعطا

اولنان اعلامدر :

قره جه آباد قضایی بدایت محکمه سی جزا داره سندن لاحق اولوب ۱۸ نیشان سنه ۳۲۳ تاریخنده تفهیم قلنان قرارای ناطق ۲۹ مایس سنه ۳۲۳ تاریخلی و ۱۶ عددلی اعلامک تمیزاً تدقیقی مستدعی وودینه قضایی رژی مأموری طرفندن ویریلان ۲۷ نیشان سنه ۳۲۳ تاریخلی استدعای نامه واوراق متفرعه سی باش مدعی عمومیک مأموریت بهیه سنک ۱۰ تشرین اول سنه ۳۲۳ تاریخلی تبلیغنامه سی ایلر محکمه تمیز استدعا داره سنه تودیع اولمش ولدی التدقیق مذکور استدعای نامه نک مدت قانونیه سی ظرفده ویرلیدی وشرائطی موافق قانون کورلدیکی اکلالمش اولدیفندن بالقبول تدقیقات تمیزیه اجراسنه ایتدار قلندی .

اعلام مذکورک خلاصه مفادی یدلرنده یکرمی کیلو خجاق توتون دردست اولدیفنی ادا قلنان احمد بن مصطفی و مصطفی بن حسن حق لرنده عند الحاکمه ابراز اولنان ضبط ورقه سنک تعریفات

قانونیه موافق صورتده تنظیم ایدلماش اولسندن ناشی دعوای مذکورده نک ردینه قرار ویرلیدی متضمندر .

لايحه تمیزیه ده دردست ایدیلان توتونلر کندولرینک اولدیفنی مظنونلر جانبدن اقرار ایدلش ایکن ضبط ورقه سنک تعریفات قانونیه داره سنده تنظیم ایدلیدی بیانیله محکمه مذکورده رد دعوایه قرار ویرلسی مخالف اصول اولدیفندن بختله اعلام مذکورک قضی استدعا ایدلشدر .

تبلیغنامه ده دخی ذکر اولنان ضبط ورقه سی تنظیم ایدلرک افادسنه مراجعت و مظنونلردن مصطفی ایچون تعیین قلنان لسان ترجمانک سنی بالسؤال اعلامه درج و اشارت ایدلماش اولسندن ناشی اعلام مبحوث عنک قضی لازم کلدیکی بیان و تذکار اولنمشدر .

ایجابی لدی المذاکره مستند ادا اولان ضبط ورقه سی ژاندارمه ملازمی محمد کانی واونیاشی جلال الدین و نقر سلیمان امضالریله مخفی اولوب مندرجاتی مظنونلرک یدنده خجاق توتون دردست اولدیفنی مین اولغله برابر عند الحاکمه مظنونلر جانبدن دخی بوتوتونلرک یولده بولندیفنی افاده اوله رق مذکور ضبط ورقه سنک شو صورتیه حقی تصدیق واعتراف ایدلش اولدیفنی حالده شو اقرار واعترافه قارشو برکونه اسباب ردیه کوسرتلرکسزین مذکور ضبط نامه نک زینده مظنونلرک امضایی بولنامه سی سرشته سیله مدار حکم اوله میه جچی درمیان اوله رق برات قرارای ویرلسی و محکمه ججه حصول قناعت ضمنده مأمورین مومی الهمک جلب واستماعی اقتضا ایدر ایکن بوجهت نظر دفته آندیفنی کی مظنونلردن مصطفی ایچون تعیین قلنان لسان ترجمانک دخی سنی بالسؤال اعلامه درجی لزومندن ذهول ایدلسی یولسز و معیار اصول و قانون اولوب لایحه تمیزیه نک بواحوالی تضمن ایدن فقراتی وارد و قضی مستلزم کورنمش اولدیفندن اصول محاکمات جزائییه قانوننک اوچیسوز اون دردنجی و اوچیسوز اون طقوزنجی ماده لری منطوقیه اعلام مذکورک تقضنه و احکام قانونیه داره سنده ایشای معامله اولنق اوزره اوراقلک محکمه محایه به اعاده سنه تمیز جزای تقدیمی اوله رق و زینیه تودیع قلنمش اولان بش لیرادن ایکی یوز غروش اعلام خرجک بالتوقف قصورینک مستدعی رژی اداره سنه اعاده سنه ۱۶ تشرین اول سنه ۳۲۳ تاریخنده متفقاً قرار ویرلیدی .

حسن بن احمدی قتل ایتدکلری ادا اولنمشندن

قهوه خانه سننده حسینی قتل قصدیه و بچاقله جرح ایدلیدی ادعاسیله مظنون علیه اولان آلتنجی دائره بلدییه طلومه قفوشنده مقیم حال اولدیفنی سولیلان یکرمی یدی یاشنده بتلیسیل سیدو بن علینک جنایتله اتهامنه دائر هیئت اتهامیه دن لاحق اولان مضبطه واستیاف مدعی عمومیکلنک ۸ کانون اول سنه ۳۲۳ تاریخ و ۷۷۸ نومرولی اتهامیه سی اوراق متفرعه سیله برلکده محکمه جنایتله تودیع قلنمغه بالمطالع تفصیلاتی اولایده طوئیلان ضبط نامه دن مستبان اوله جچی اوزره اصول محاکمات جزائییه قانوننک باب نایسنک فصل رابعنده محرر اولان معاملات اولیه بعد الا یافا مهم سیدونک اجرای محاکمه سی ضمنده کانون ناینک اون یدنجی بخشنده کونی تعیین قلندی .

یوم مذکورده مهم توقیفخانه دن کتوردیلرک وکیل ایساق قاریوفندی واستیاف مدعی عمومی معاونلرندن عزتلو بهجت بک حاضر اولدقلری حالده محاکمه صالونه چیقیلوب معاون مومی الهمک مطالعه سی موجبنجه کندوسنه تبلیغات اجرا اولمش ایکن ورود ایتیان مدعی شخصی حسینک غیابنده محاکمه علنییه مباشرت و مهم ایلر وکیلنه اخطارات قانونیه ایضا قلندقدن صوکره هیئت اتهامیه مضبطه سیله اتهامنه ضبط کاتی سلیمان افندی طرفندن قرائت اولندی .

مذکور مضبطه ده مظنون علیه سیدونک حسینی قتل قصدیه جرح الیش اولسندن طولانی اتهامنه اوراق تحقیقده محرر دلایل و امارات کافی کورلش وحرکتی قانون جزانک یوز سکساننجی ماده سی حکمی مستلزم افعال جنایتیه دن بولمش اولدیفندن بختله جنایتله اتهامنه قرار ویرلیدی محرر و اتهامنه ددخی مرقومک مضبطه مذکورده مندرجاتی وجهله مهم بولندیفنی مسطردر .

اتهامنامه نک خلاصه سی جانب ریاستندن مهم سیدویه تفهیم و توضیح و معاون مومی الیه جانبدن دخی دعوایک تشریح اولمشی معقب مهم مرقوم سولندرلرکده وقعه کیجه سی داودک قهوه خانه سنه کیمدیکی و اوکیجه سکر حال اولمادیفنی وحسینی جرح ایتدکلری درمیان ایتدی .

علی هذا اوراق میاننده بولنان ۳۰ کانون اول سنه ۳۲۱ تاریخلی ضابطه عدلیه تقریری و مجروح حسینک معاینه سنی حاوی راپور و مجروح مرقومک استنطاق نامه ده مندرج افاده مضبوطه سی اوقوتدیرلیدی .

تقریرده کانون اولک اونوزنجی جمعه لرتسی کیجه سی ساعت اوچ راده لرنده غلطه ده قره اوغلان زقاقنده داودک قهوه خانه سننده آلتنجی دائره بلدییه طلومه جیلرندن سیدونک کور عمله سندن حسینی جرح ایلر فرار ایتدیکی خبر آلمغله لدی التحقیق

دولایی جنایتله اتهام اولنان ابراهیمک اونیش وحسین و دیگر ابراهیمک اوچر سنه مدته کورک قونلرینه دائر ادرنه ولایتی استیاف محکمه سی جزا داره سندن ویریلان ۵۰۱ نومرولی اعلام

اسپرونی قتل ایتدکلری ادا اولنمشندن دولایی جنایتله اتهام اولنان تاکه ورشونک اعداملرینه و طاشو و طومه نک دردر سنه مدته کورک قونلرینه دائر سلانیک ولایتی مرکز بدایت محکمه سی جزا داره سندن ویریلان ۲۲۳ نومرولی اعلام

عیسانی قتل ایتدیکی ادا اولنمشندن دولایی جنایتله اتهام اولنان یکجی تحسینک اون بش سنه مدته کورک قونلرینه دائر مناستر ولایتی استیاف محکمه سی جزا داره سندن ویریلان ۴۱۵ نومرولی اعلام

فلب اوغلی کریقاق تئل ایتدیکی ادا اولنمشندن دولایی جنایتله اتهام اولنان دیستوقلنک اون بش سنه مدته کورک قونلرینه دائر کولمجه سنجانجی بدایت محکمه سی جزا داره سندن ویریلان ۶۴۳ نومرولی اعلام

قوجان علینک اوکی اوغلی حسن ایلر زوجیه سی عایشه و قاتن والده سی خدیجه یه قتل قصدیه سلاح انداخت ایتدیکی ادا اولنمشندن دولایی جنایتله اتهام اولنان محمد و مهم مرقومی قتل قصدیه جرح ایتدیکی ادا اولنمشندن دولایی کذا جنایتله اتهام اولنان علینک اوچر سنه مدته کورک قونلرینه دائر قرق کلیسا سنجانجی بدایت محکمه سی جزا داره سندن ویریلان ۸ نومرولی اعلام

آندریای قتل ایتدکلری ادا اولنمشندن دولایی جنایتله اتهام اولنان محمدک اونیش سنه مدته کورک قونلرینه واحد شریفک برانته دائر قونیه ولایتی استیاف محکمه سی جزا داره سندن ایکنجی دفعه اوله رق ویریلان ۱۵۱ نومرولی اعلام

اسماعیل بن سلیمانی تهدید ایتدکلری ادا اولنمشندن دولایی جنایتله اتهام اولنان آدم و عثمان وزینل و شریف وسعد الهمک یدیشر سنه و سالمک اوچ سنه مدته کورک قونلرینه دائر سرفیجه سنجانجی بدایت محکمه سی جزا داره سندن ویریلان ۷۰ نومرولی اعلام محکمه تمیز جزا داره سنجه تصدیق قلنمشدر .

در سعادت جنایت محکمه سندن تنظیم واعطا

قلنان اعلامدر :

اوچوزیکرمی بر سنه سی کانون اولنک اونوزنجی کیجه سی غلطه ده قره اوغلان زقاقنده داودک

مرقوم سیدونک مذکور قهوه خانه ده حسینی ضرب و حنجر شکنده کی بچاقله مرقومی باشندن و قولندن جرح ایتدکلنک اکلالمش اشعار وراپورده دخی حسینک برآلت قاطعه ایلر حاصل باشنک ناحیه جداریه سی صول جهتنده سکر ساندیمترو طولنده درت محندن درز اولنمش برعدد جرحه وصول قولی عضدی ثلث اسفلی انیسنده ایکی ساندیمترو طولنده بروجهت خلفیننده عین طوله دیگر برعدد جرحه مشاهده اولدیفنی وصول قولنده کی جرحه سنه اختلاط مرض اوله رق عارض اولان قلعمون حسیه مذکور الینک حنصر پارمنک سقوط ایتدیکی وکندب معیوب نتیجه سی انسجه لیقه سنک تکمیله صول ساعدیه پارمنلرینک حرکات طبیعه سنک بشده دردخی ضایع ایدلیدی و بونکده بعدازین باقی قاله جچی و مذکور جرحه لرینک یوز الی کونده بیک بشیوز غروش اجرت تدای ایلر التیام ایدلیدی ازار قلنمش و مجروح حسینک افاده نامه سننده وقعه کیجه سی سیدونک سکر حال اوله رق کلوب بلاسب کندوسنه اطاله لسان ایتدیکی و مرقوم طیشاری چیقاردیفنی حالده تکرار بالورود بنه اطاله لسانله برابر بچاقله باشندن و قولندن جرح ایلر فرار ایدلیدی مین بولنمشدر .

قرائت ایتدیریلان اوراق مندرجاته قارشو نه دیه جکی مهمندن صورلدقده کندوسی فرار ایتوب بشکطاشده و تقسیمده و قالونجی قولنی جوارنده بولنمده ایدوکنی سرد ایتدی .

(مابعدی کله جک نسخه یه)

اعلانات

فهرست جرمه حکم شده

باغچه قیوسنده صادق خانده ۱۹ و ۲۰ نومرولی اوطلرده مقیم قومیسونجی ایزاق میزراهینک ۱۰ نیشان سنه ۳۲۴ تاریخندن اعتباراً اعلان افلاسنه و مصالح افلاسیه نک رؤیت وتسویه سی ضمنده اعضای محکمه دن سعادت ابراهیم بکک ژوز قومیسر و دعوی وکیللرندن عثمان طلعت بک ایلر حیاتی اقدینک موقت سندیک تعیینلرینه و مغازه سیله ایشای زانده بیتیه سنک تمهیریه واوراق ودفاترینک جلبه وکفالت مصدقه ارا نه ایدر مدیکی تقدیرده حبس و توقیفه و بویاده کی قرارک موقتاً اجراسنه تجارت بحریه محکمه سنجه قرار ویرلش اولدیفندن قانوننامه تجارتک ۱۷۰ نجی ماده سی موجبنجه دائمی سندیکلر انتخاب اولنق اوزره اشو ۳۲۴ سنه سی نیشانک یکرمی دردنجی بخشنده کونی ساعت یدی راده لرنده اصحاب مطلوبک محکمه

مذكوره نك مصالح افلاسيه رؤيته مخصوص اوطه سنه
كللى اعلان اولنور .

در سعادت اعمال نظاميه اجرا داره سنده :

اقامتگاهى مجهول حمده سیرت افدينك با اعلام
نظامى عايشه خانه دينى اولان ايكي يوز عدد ليراي
عثمانينك مع گذشته ومصارف محاكمه تأمين استحصالي
ايچون مديون مومى اليك عهده تصرفنده اولوب
حجز آلتنه آلتش اولان محمود پاشا محله سنده على بابا
تره سى زقاغنده واقع ۴ نومرولى خانه نك نصف
حصه سى على الاصول طقسان بر كون مدتله اجرا
قلمن مزايده عليه نتيجه سنده ليراي عثمانى يوز
غروش حسابيله يكرمى اوچييك غرو شده طالبي
عهده سنده تقرر ايدرك رغبات ناسك انقطاعه مبنى
قراقطه سى كشيده قلمش ايسده مديون مومى اليك
اليوم اقامتگاهى مجهول وكندوسنك غيوتى دوام
ايلكده اولديغندن صوك اخبارنامه مقامه قائم اولمق
اوزره تاريخ اعلاندن اعتباراً سكز كون ظرفنده
اثبات وجود ايله دين مذكور تاديه ايدلديكي وياخود
بدل مذكور مقابلنده نصف خانه نك رضاء تقرر يري
ويرلديكي حاليه مديون مومى اليك رضاسنه وتقرر يرينه
باقلمق سزين مشتره عهده سنه بدل مزبور مقابلنده
فراغتك اجراسى حقنده دفتر خاقانى نظارت جليله سنه
اشعار قلنه جنى در سعادت اعلامات نظاميه اجرا
داره سندن اعلان اولنور .

ذايضا صائمه خانمك فاطمه خانم ذمتنده محكوم به
آله جفته مقابل وفاء مفروغ وفروختى محكوم بولنان
ايوبده دفتر دار قره سليمان چلبى محله سنك بايلدم
يقوشنده تخميناً يوز يكرمى آرشون عرصه اوزرينه
مبنى درت اوطه برصفه ويكرمى آرشون عرصه
اوزرينه مبنى آيروجه برسلاملق اوطه سيله آيروجه
برمطبخ وبرواشق اوطه سى وقرق چشمه صوي ايله
تخميناً ايكي بيك ايكي يوز آرشون مقدارى باغچه يي
حاوى ۲ نومرولى خانه نصف حصه سنك تاريخ
اعلاندن اعتباراً اون بش كون صوكره بلمازايده
فروخته تشبث اولنه جنى در سعادت اعلامات نظاميه
اجرا داره سندن اعلان اولنور .

خالصه خانمك پينرجى سليمان افدى ذمتنده
محكوم به آله جنى اولان مبالغك تأمين استيفاسى
ايچون مديون مومى اليك عهده تصرفنده اولوب
حجز آلتنه آلتش اولان بكقوزده آق بابا قريه سنده
سلوك خانه موقعنده تخميناً اون دونمدن عبارت اشجار
مشمري وچاليلنى حاوى ۲۱ نومرولى باغچه تمامك

تاريخ اعلاندن اعتباراً اون بش كون صوكره بلمازايده
فروخته تشبث اولنه جنى در سعادت اعلامات نظاميه
اجرا داره سندن اعلان اولنور .

بك اوغلى بدایت محكمه سى اجرا داره سنده :

محمد افدينك قوم قبود حوضلى كليسا قارشوسنده
بلا نومرو خانه ده ساكن آرام ذمتنده محكوم به
آله جنى اولان معلوم المقدار مبالغك تأمين استيفاسى
ضمننده ذكر اولنان خانه ده قباغى آيينه لى بر عدد
البسه طولابى ايله اوزرى مرمرلى بر عدد بورو
ويالديزلى بر عدد آيينه وجوز رنكسده التى عدد
خيزران صنداليه اوزرى كتاندن معمول بر عدد قنابه
ايله ايكي عدد قولتق وبر عدد مدر ماصه وايكي عدد
سيغاره ماصه سى ودرت عدد يالديزلى قورنيس وكتان
تول مع استور مشمع پرده ايله بر عدد فرنك كچه سى
حجز آلتنه آلديرلش اولمغله شهر نيسانك اون التنجى
چهارشنبه كونى ساعت بش راده لرنده چارسوى كبرده
بات بازارنده بلمازايده فروخت اولنه جنى بك اوغلى
بدایت محكمه سى اجرا داره سندن اعلان اولنور .

آطه قارت محكمه سنده :

آطه ده طرسوس قوسى چارسوسنده عطار
قدسلى ابراهيمك ۲۷ مارت سنه ۳۲۴ تاريخندن
اعتباراً اعلان افلاسيه ومصالح افلاسيه نك رؤيت
وتسويه سى ضمننده اعضاي محكمه دن رفعتلو محمود
افدينك ژور قوميسر ودعوى وكيللرندن كرياتو
افدينك موقت سنديك تعيينلرينه ومغازه سيله اشياى
زائده بيتيه سنك تمهيري نه واوراق ودفاترينك جلبه
وكفالت مصدقه ارايه ايدمه ديكي تقديرده حبس
وتوقيفه وبوبابده كى قرارك موقتاً اجراسنه آطه
تجارت محكمه سنجه قرار ويرلش اولديغندن قانوننامه
تجارتك ۱۷۰ نجى ماده سى موجب سنجه دائمي سنديكلر
اتخاب اولمق اوزره اشبو ۳۲۴ سنه سى نيسانك
اوننجى پنجشنبه كونى ساعت سكز راده لرنده اصحاب
مطلوبك محكمه مذكوره نك مصالح افلاسيه رؤيته
مخصوص اوطه سنه كللى اعلان اولنور .

آطه ده يكي بدستانده مانيفاطوره تجارتيه مشغول
ارخان اوغلى قوزمه نك ۲۶ مارت سنه ۳۲۴
تاريخندن اعتباراً اعلان افلاسيه ومصالح افلاسيه نك
رؤيت وتسويه سى ضمننده اعضاي محكمه دن رفعتلو
پانده لى افدينك ژور قوميسر و آطه ده مقيم تجارندن
سليم بطرسك موقت سنديك تعيينلرينه ومغازه سيله
اشياى زائده بيتيه سنك تمهيري نه واوراق ودفاترينك
جلبه وكفالت مصدقه ارايه ايدمه ديكي تقديرده حبس

وتوقيفه وبوبابده كى قرارك موقتاً اجراسنه آطه
تجارت محكمه سنجه قرار ويرلش اولديغندن قانوننامه
تجارتك ۱۷۰ نجى ماده سى موجب سنجه دائمي سنديكلر
اتخاب اولمق اوزره اشبو ۳۲۴ سنه سى نيسانك
اوننجى پنجشنبه كونى ساعت التى راده لرنده اصحاب
مطلوبك محكمه مذكوره نك مصالح افلاسيه رؤيته
مخصوص اوطه سنه كللى اعلان اولنور .

ازميه سنجاني بدایت محكمه سى اجرا داره سنده :

اذميه تابع حمديه قريه سندن كورجى يوسفك
قريه مرقومه ساكنلرندن كورجى زاده على اغا ذمتنده
جهت كفالتدن طولابى آله جنى اولان مبالغ معلومه نك
تأمين استيفاسى ايچون برأس باركيك جز وفروختى
قرارلشديرلش اولديغندن تاريخ اعلاندن اعتباراً
اوچ كون صوكره بلمازايده فروخت اولنه جنى
اذميه سنجاني بدایت محكمه سى اجرا داره سندن
اعلان اولنور .

قلعه سلطانيه بدایت محكمه سى اجرا داره سنده :

قلعه سلطانيه ده مقيم اورغانجى زاده فائق بكه
مديون بولنان المالى اوغلى خره لامبو زميخال
ويانينك متصرف اولدقلى قطرانلى قيو موقعنده
واقع معلوم الحدود ايكييك يديوز كرومى حاوى
برقطعه باغده كى محجوز حصه لرى تاريخ اعلاندن
اعتباراً اون بش كون صوكره موقع مزايده به وضع
اولنه جنى قلعه سلطانيه سنجاني بدایت محكمه سى
اجرا داره سندن اعلان اولنور .

اردك بدایت محكمه سى اجرا داره سنده :

باندرمه لى انسطاش انونوپلو افدينك اردك
تضاسنك قوجه برغوس قريه سندن پاپايانى ولد طنش
واوغلى قسطنطى ذمتلرنده محكوم به آله جنى اولان
مبالغ معلومه نك تأمين استيفاسى ضمننده حجز ايديلان
قريه مذكوره ده كائن معلوم الحدود برقطعه عرصه سيله
دره وكراميد وكرون وپوسيه نام موقعلرده واقع
درت قطعه ترلاسى ومليساد برقطعه باغى وقارقالانى
وفوسيه نام محللرده ايكي قطعه دوت باغچه سنك
تاريخ اعلاندن اعتباراً اون بش كون صوكره فروخته
تشبث اولنه جفتدن اشتراسنه طالب اولانلرك اردك
قضاسى بدایت محكمه سى اجرا داره سنه مراجعت
ايللرى اعلان اولنور .